

楚

寶

楚實卷十七

明梁谿高世泰彙旃父鑒定

湘潭後學周聖楷輯

吳沙馬訂

文苑

岑參

岑參江陵人岑文本之曾孫也天寶三載進士釋褐率府兵曹參軍遷大理評事兼監察御史杜甫薦之轉左補闕累遷侍御史出爲嘉州刺史屬中原多故

卒死於蜀有集八卷行于世

京兆杜確序畧曰南陽岑公蚤歲孤貧能自砥礪
徧覽史籍尤工綴文屬辭尙清用志尙切其有所
得多入佳境迥拔孤秀出於常情每篇絕筆則人
人傳寫雖問里士庶戎夷蠻貊莫不吟習焉後之
詞人有所觀覽亦由聆廣樂者識清商之韻遊名
山者仰翠微之色足以瑩徹心府發揮高致焉
殷璠曰參詩語奇體俊意亦造奇至如長風吹白
茅野火燒枯桑可謂逸才又山風吹空林颯颯如

有人。宜稱幽致也。

晁氏讀書記曰。岑參。文本之裔。孫天寶三年進士。
累官補闕起居郎。出爲嘉州刺史。杜鴻漸表置幕
府。爲職方郎中兼侍御史。罷。遷于蜀。至德中裴垣
杜甫等嘗薦其識度清達。議論雅正。佳名蚤立。時
輩所仰。可以儔獻替之官云。

聖楷按岑氏其先爲南陽人。自祖善方徙襄陽。更
徙江陵。故唐書以岑文本爲江陵人。不復係之南
陽矣。其後岑長倩封鄧國岑義封汝南。隨相繼誅。

滅子孫星散故參著感舊賦云去鄉離土隳宗破
族雪雨流離江山放逐愁見蒼梧之雲泣盡江潭
之竹或投于黑齒之野或竄于文身之俗又自叙
云十五隱于嵩陽則不定于南陽益可見彼作南
陽者或以其居無定址仍以舊土稱之其其實非
也

綦母潛

綦母潛字季通，荆南人。開元十四年進士，由宜壽縣尉入爲集賢待詔，遷右拾遺，終著作郎。集一卷。

綦母潛遷宜壽尉，李頎以詩寄之曰：新加太邑綬，仍黃近與單。車向洛陽顧，盼一過丞相府。風流三接令，公香南川粳。稻花侵縣西，嶺雲霞色滿。堂共道進賢，蒙上賞看君。幾歲作臺郎。殷璠曰：潛詩屹崿峭，徭善寫方外之情。至如松覆山殿，希不可多得。又塔影挂清漢，鐘聲和白雲。歷

代未有荆南分野數百年來獨秀斯人
聖楷曰潛詩如冬夜寓居寄儲太祝自爲洛陽客
夫子吾知音盡義能下士時人無此心奈何離居
夜巢身悲空林愁坐至月上復聞南隣砧深幽古
與可謂初盛之音又如春泛若耶幽意無斷絕此
去隨所偶晚風吹行舟花路入谿口際夜轉西窗
林月低向後妙語妙境心手俱閒如此等詩真不
厭百回讀也

薛據

薛據荆南人仕至太子司議郎

殷璠曰據爲人骨鯁有氣魄其文亦爾自傷不蚤
達因著古興詩云投珠恐見疑抱玉但垂泣道在
君不舉功成歎何及怨憤頗深至如寒風吹長林
白日原上沒又孟冬時短晷日盡西南天可謂曠
代之佳句

崔曙送薛據之宋州詩云無媒嗟失路有道亦乘
流客處不堪別異鄉應共愁我生蚤孤賤淪落

此州風上至今憶山河皆苦遊一從文衆事兩京
春復秋君去問相識幾人今白頭

張子容

張子容襄陽人與孟浩然同隱鹿門山開元元年登
進士爲樂城令

孟浩然送張子容進士舉云夕膳山炤滅送客出
柴門惆悵野中別殷勤岐路言茂林予偃息喬木
爾飛翻無使谷風訥須令友道存按此詩可證
子容爲襄陽人又子容送孟六歸襄陽亦有嘗懷
故園意豔與孟家隣之句
升菴詩品曰張子容詩海氣朝成雨江天晚作霞

李嘉祐詩朝霞晴作雨。濕氣晚生寒。二詩極相似。然盛唐中唐分焉。試辨之。

聖楷曰。張子容詩不多見。如春江花月夜。林花發
舉口氣色動。江新此夜江中月。流光花上春。分明
石潭裏。空炤浣紗人。清婉簡妙。與張若虛之長篇
排宕可稱勁敵。又如泛永嘉江日暮迴舟詩。無雲
天欲暮。輕鷁大江清。歸路煙中遠。迴舟月上行。傍
潭窺竹影。出嶼見沙明。更值微風起。乘流絲管聲。
俱雅雋之作。

張繼

張繼字懿孫，襄州襄陽人。大曆末，檢校祠部員外郎，分掌財賦於洪州。集一卷。

聖楷按：張繼爲襄州人，載唐藝文志。今詩人爵里作兗州者，誤。世傳誦繼詩「止楓橋夜泊」一絕，然其五言絕如「調與時人背，心將靜者論」，終年帝城裏，不識五侯門。七言絕如「紫陽宮女捧丹砂，王母令過漢帝家。春風不肯停仙馭，却向蓬萊看杏花」。五言排律如「送判官往陳留，齊宋分巡地，頻年此用」。

楚寶

兵女停襄邑。杼農廢。汶陽耕。使者乘輅去。諸藩擁
節迎。深仁佐君子。薄賦卹黎氓。火燎原。猶熱風搖
海未平。應將否泰理。一問魯諸生。皆深於此典。切
於事理佳句也。楊太史慎曰。國語室無懸耜。野
無與草。尉繚子兵法耕有春懸耜。織有日斷機。言
用兵之妨於耕織也。唐張繼詩。女停襄邑杼。農廢
汶陽耕。蓋祖尉繚子之語。

衛象

衛象江陵人。大曆間爲長林縣令。與丞司空曙厚善。官至侍御。

楊太史慎曰。衛象吳宮怨云。吳王宮闕臨江起。不捲珠簾見江水。曉氣晴來雙闕開。潮聲夜落千門裡。勾踐城中非舊春。姑蘇臺上起黃塵。只今惟有西江月。曾照吳王宮裡人。此詩與王子安滕王閣詩相似。少誦之。知爲初唐人無疑。而未有明證。偶閱李嶠集。有詠衛象餞絲結。知爲巨山同時高棅。

選唐詩乃收之晚唐不考之甚矣

聖樞按李嶠長林令衛象飭絲結歌小題用七言
歌體甚奇予友鍾伯敬選入詩題歌云至人瑠盤
盤素絲寒女春春悲答乃假使飭爲之八珍
重杏失顏色手援玉節不敢持始狀芙蓉新出水
仰折重衣領萬藥又如合歡交配枝紅茸向暮花
參差吳蠶落繭抽尚絕細縷纖毫看欲滅雲髮
垂倭隋鬢繡囊與並茱萸結我愛此絲巧妙絕世
無爲君作歌陳坐隅

鮑防

鮑防字子慎、襄州襄陽人、少孤、奮志於學、善辭章、及進士第、歷職方員外郎、節度行軍司馬、俄知留後、兼太原尹、節度使、入樂其治、詔圖形別殿、入爲御史大夫、歷福建、江西觀察使、召拜左散騎常侍、從德宗奉天、進禮部侍郎、封東海縣公、貞元元年、策賢良方正、得穆質、裴復、柳公綽、歸登、崔郊、韋純、魏弘簡、熊執易等、世美防知人、肺比歲、果策問陰陽、禳沴、質對漢故事、免三公卜式、請烹弘羊、指當時輔政者、右司郎

中獨孤。獨欲下質。防不許。曰：使上聞所未聞，不亦善乎？卒置質高第。帝見策嘉歎，防後授工部尚書，卒贈太子少保。謚曰宣防。於詩尤工，有所感發，以譏切世。敗當時稱之。與中書舍人謝良弼友善，時號鮑謝。云：聖楷曰：蘇頲撰鮑防碑，為河南洛陽人，與唐書本傳不合。然于致仕下又云：徙家東周。豈防先世洛陽而後寓于襄州至防而又徙歸于洛耶？且碑銘止稱其蒞官行已一語，不及于詩何也？今從唐書。

朱放

朱放字長通、襄陽人、隱居剡溪、曹王臯鎮江西辟節度參謀、貞元初召爲拾遺不就、詩一卷、載唐藝文志、聖楷按、朱放、文獻通考作朱倣、乃宰相朱朴之後、萬首唐詩選其五七言絕十首、惟銅雀妓、亂後經淮陰岸、與別李季蘭三詩可誦、別李季蘭云、古岸新花開一枝、牽傍花下有分離、莫將羅袖拂花落、便是行人腸斷時、李蘭女伎、見藝文畧、高仲武中興門氣集、甚稱其詩、如遠水浮仙棹、寒星伴使車、此

五言之嘉境也。有寄朱放詩云：望水試登山，山高
湖又濶。相思無曉夕，相望經年月。鬱鬱山木青，綿
綿野花發。別後無限情，相逢一時說。朱放亦有刻
谿行却寄新別者詩：潺湲寒溪上，自此成離別。迴
首望歸人，移舟逢暮雲。頻行識草樹，漸老傷年髮。
惟有白雲心，爲向東山月。二詩皆怨別而又同一
韻。或亦爲荅季蘭作耶。按刻谿在紹興府嵊縣，
刻山下秦始皇東遊時鑿此以泄主氣。漢刻中地。

戎昱

戎昱荆南人，唐至德間，以文名，登進士第。京兆尹李
巒欲以女妻之，令改姓昱，辭焉。衛伯玉鎮荆南，辟爲
從事。德宗建中中，歷辰虔二州刺史。

雲溪友議曰：唐憲宗皇帝朝，以北狄頻侵邊境，大
臣奏議：古者和親有五利，而無千金之費。帝曰：比
聞有一卿能爲詩，而姓氏稍僻，是誰？宰相對曰：恐
是包子虛。吟朝陽，皆不是也。帝遂吟曰：山上青松
陌上塵。雲泥豈合得相親。世路盡嫌良馬瘦，唯君

不棄臥龍。貧千金。未必能移。姓一諾。從來許殺身。
莫道書生無感激。寸心還是報恩人。侍臣對曰。此
戎昱詩也。帝悅。曰。朕又記得詠史一篇。此人若在。
便與郎州刺史。武陵桃源足稱詩人之興。咏其咏
史詩云。漢家青史內。計拙是和親。社稷依明主。安
危托婦人。豈能將玉貌。便欲靜胡塵。地下千年骨。
誰爲輔佐臣。帝笑曰。魏絳之功。何其懦也。大臣公
卿遂息和戎之論。

唐本事詩曰。韓晉公鎮浙西。戎昱爲部內刺史。罷

有酒妓善歌色亦爛妙異情屬甚厚浙西樂將聞
其能白晉公召置籍中豈不敢留餞於湖上爲歌
詞以贈之且曰至彼令歌必首唱是詞旣至韓爲
開筵自持盃命歌送之遂唱我詞曲旣終韓問曰
我使君於汝寄情耶悚然起立曰然淚下隨言韓
令更衣待命席上爲之憂危韓召樂將責曰我使
君名士智情麗妓故何不知而召置之戒余之過
乃十咎之命妓與百縑卽時題之其詞曰仍去春
風湖上亭柳條藤蔓繫離情黃鶯久住渾相識欲

別頻啼四五聲。又曰：初有客自零陵來，稱戎昱使君席上有善歌者。襄陽公頓違命召焉。戎使君豈敢違命，逾月而至。及至，令唱歌。乃戎使君之什也。詩曰：寶鈿香娥，翡翠裙粧，成掩泣，欲行雲。慙勤好取，襄王意。莫向陽臺夢，使君公曰：丈夫不能立功立業，爲異代之所稱，豈可奪人姬愛，爲己之嬉娛。以此觀之，誠可竄身於無人之地，遂多以緡帛贈行，以書遜謝於零陵之守也。

晁公武讀書記曰：戎昱有集三卷，初李義廉察桂

林月夜聞隣居吟咏之音濟暢還明訪之乃昱也
卽延爲幕賓因飲席調其侍兒薇知其意卽贈之
昱感作賦詩有恩合死前酬之句後歷辰虔二州
刺史又書錄解題曰其侄孫爲序言弱冠謁杜甫
于清宮一見禮遇集中有哭甫詩世所傳在家貧
亦好之句昱詩也

聖楷曰戎昱亦中唐妙手惜其氣格稍弱耳然咏
史諸作見賞于帝宮人亦不之稱不足多也且又
有聞歌而贈侍兒返愛妓者詩至戎昱不可謂不

得○力○矣○其○在○家○貧○亦○好○乃○長○安○秋○夕○題○姚○鉉○選○入○
文○粹○全○首○云○八○月○更○漏○長○愁○人○常○起○蚤○閉○門○寂○無○
事○滿○地○生○秋○草○昨○霄○西○窓○夢○先○入○荆○門○道○遠○客○歸○
去○來○在○家○貧○亦○好○

柳識

柳識字方明襄陽人柳渾同母兄也工文章與蕭穎
士元德秀劉迅相上下而識練理剗端往往請極雖
趣尚非博然當時作者伏其簡拔渾亦善屬文但沈
思不逮於識云識官歷屯田郎中集賢殿學士
聖楷按柳識文惟琴會記屢見選本如贊皇公絃
琴樊公和之演操相應澄清撫綏逋爲伯牙更爲
子期琴動人靜琴酣酒醒清聲向月和氣在堂春
風猶寒是日覺暖又如自樸散爲器真意在琴與

讀、名、衆、樂、同、出、于、虛、獨、能、致、靜、同、韻、五、音、獨、能、多、感、同、
爲、樂、獨、偶、聖、賢、皆、記、中、妙、語、惜、多、錯、落、不、可、盡、

董挺

董挺字燕中武陵人元和中爲荆南從事有武陵集一卷載唐藝文志

劉禹錫董氏武陵集序云片言可以明百意坐馳可以役萬景工于詩者能之風雅體變而興同古今調殊而理具達于詩者能之工生于才達生于明二者還相爲用而後詩道脩矣余嘗執斯評爲公是且衡而度之誠懸于心默掃羣才鈞銖尋尺隨限而畫如是所閱者百態一旦得董生之詞杳

如搏翠屏。浮層瀾。視聽所遇。非風塵間物。亦猶明
金絳羽。得于遐裔。雖欲勿實。得乎生名。擬字庶中。
幼嗜屬詩。晚而不衰。心源爲鑑。筆端爲炭。鍛鍊元
本。雕鎔羣形。糾紛舛錯。逐意奔走。因故沿濁。叶爲
新聲。當時以所與遊。皆青雲之士。聞名如盧杜。
杜高韻如包李。抱結迭以章句。揚于當時。末路寡
徒。值余歡甚。因相謂曰。聞者身以廷尉。屬于荊州。
從事移疾罷去。幽臥于武陵。逮今四載。言未信于
世。道不施于人。寓其性懷。播爲吟咏。時復發笥。紛

然盈前凡五十篇因地爲目胥子常號知我盡表
而志之爲生羽翼余不得讓而著于篇因系之曰
詩者文章之助義得而言我故微而難能境生于
象外故精而寡和千里之謬不容秋毫非有的然
之姿可使尹曉必俟知者然後鼓行于時自建安
距永明已還詞人比肩倡和相發有以朔風零雨
高視天下蟬噪鳥鳴蔚在史策固朝因之粲然復
興繇篇章以躋貴仕者相踵而起兵興已還有武
尚功公卿大夫以安濟爲任不服羈人于文什之

閒故其風寢息。樂府協律不能足。新音以度曲。夜
諷之職。寂寥無紀。則董生貧臥于齋土也。其不得
于時者歟。其不試故藝者歟。

許渾

許渾字用晦，園師之後。太和六年進士，爲當塗太平二令，以病免。起潤州司馬，大中三年爲監察御史。歷虞部員外，睦郢二州刺史。嘗分司於朱方，丁卯間自編所著，因以爲名。一云丁卯者，其所居之地有丁卯橋，故云。

書史曰：許渾以身絲欄，手自抄其詩一百篇爲集。字法極不俗。第一篇湘潭雲盡，紫煙出巴蜀，雲消春水來。

聖楷曰按晁公武讀書記渾乃許圜師之後則渾
當爲楚安陸人今作丹陽者或避地寓居其間耳
大抵詩人爵里既不見尊于國史而邑乘之紀載
又多承譌舊說如此之類未易悉舉又有籍係楚
人而姓氏不甚著無事實可攷者吾懼其久而益
湮沒也併附見之

費昶江夏人善爲樂府嘗作鼓吹曲武帝重之勅
曰才意清拔有足嘉異可賜絹十疋
黃閔武陵人博學善屬辭嘗撰沅志精覈可紀唐

章懷太子爲魏國志多采其說

毛欽一荊州長林人長林今荊門屬縣欽一上諸公書自稱毛欽一字傑而或以傑爲名唐人以字行者多矣自號雲夢子開元中人

張復澧州人飽書性作條山集三十卷論世外事此人兼得鬼神趣隱不仕有文集行于世

孟瑄郴州人唐元和間五年崔樞知貢舉試洪鐘待撞賦舉進士爲韓愈所重贈之以文瑄所著有嶺南異物志

章孝標襄陽人元和間下第作歸燕詩留獻侍郎
庾承宣云舊壘危巢泥已落今年故向社前歸連
雲大厦無棲處更望誰家門戶飛承宣吟諷恨遺
才及重典禮聞孝標擢第雍陶寄襄陽章孝標詩
青○汕○幕○下○白○雲○邊○日○日○空○山○夜○夜○泉○聞○說○小○齋○多○
野○意○枳○花○陰○裏○麝○香○眠○

劉昭禹桂陽人爲湖南天策府學士有集一卷
廖匡圖衡山人爲湖南從事有集一卷

李羣玉

李羣玉字文山，澧州人。曠逸不樂仕進，專以吟詩自適。詩筆妍麗，才力邁健，好吹笙，善急就章，喜食鵝，親友強赴舉，一上而止。裴休廉察湖南，厚延致之，及爲相，以詩論薦羣玉，乃詣闕進詩三百篇，表曰：草澤臣羣玉言。臣宗緒凋淪，丘壑賤品，幽沉江介，分託漁樵，伏遇皇帝陛下，運屬昇平，率土歡泰，沐雨露膏，育之化，在薰風長養之間，願同率舞之誠，遠逐越裳之貢，頃以鼓腹動華之代，怡情林阜之隈，涵泳皇風，殆忘

仕進以致年踰不惑、病恙暴侵、但慮寒餓、江湖之濱、
與枯魚涸鱗爲伍、瞑目黃壤、虞謝文明、是以徒步負、
琴遠至、禁下謹捧所業、歌行古體七言今體五言今、
體等合三百首、謹詣光順門、昧死上進、伏以卿雲在、
天、草木五色、廣野之氣、燭爲祥燠、熙熙含生、盡躋壽、
域、白日亭午、物無斜陰、方今風后提衡、庶尹成績、忝、
言語侍從之列、皆嚴徐班馬之倫、凡在墨客詩人、詠、
歌、聲明文物、不服何議、諷刺興於簞端、臣所貢前件、
歌詩、以居任沅湘宗師、屈宋楓江蘭浦、蕩思搖情、蕪、

類之餘過於諷野。天文不到。徒窺星漢之高。滄海攸
歸。豈阻黃汗之陋。然則夔桐不爆。俄成曲突之煙。埋
劍無光。永作幽泉之鐵。巴濮下調。塵觸天聽。螻蟻之
微。伏待刑戮。謹拜表陳獻。以聞。無任焚灼。隕越屏營
之至。延矣口宣勅旨。卿所進歌詩。異常高雅。朕已遍
覽。今有少錦彩。賜卿。宜領取。夏熱。卿比平安。好。
大學士僕射令狐綯狀曰。羣玉苦心歌篇。屏迹林壑。
佳句流傳於衆口。芳聲籍甚於一時。守道安貧。遠絕
名利。當文明之盛代。宏偉搜羅。俾典校於瀛洲。佇光

志業臣等今日延英已面陳奏狀伏奉聖旨令典一
文學官者臣等商量望授弘文館校書郎未審可否
謹具奏聞伏聽勅旨上卽允其奏制詞曰李羣玉放
懷丘壑吟咏性情孤雲無心浮磬有韻吐妍詞於麗
則動清律於風騷冥鴻不羈羽翰自逸霧豹遠跡文
彩益奇信不試而逾精能久幽而獨樂念其求志可
以言詩用是繫維俾之刊校可守弘文館校書郎未
幾解任歸潯陽經二妃廟題詩曰黃陵廟前春已空
子規啼血滴松風不知精爽落何處疑是行雲秋色

中羣玉疑春空遂至秋色欲易之恍若有物告以二
年之兆時潯陽太守段成式志其事二年後果卒於
洪井段以詩哭之云曾話黃陵事今爲白日催老無
男女累誰哭到泉臺又酒裏詩中三十年縱橫唐突
世喧喧明時不作襴衡死傲盡公卿歸九泉羣玉所
著詩三卷後集五卷載唐藝文志

聖楷曰李羣玉事蹟雜見晁公武讀書志尤遂初
詩話中予稍刪補之成傳五代周朴云羣玉十名
冠李唐投詩換得校書郎予歎羣玉詩換校書郎

比○之○王○維○以○鬱○輪○袍○奪○解○者○遠○甚○雖○然○使○維○不○遇○
岐○王○亦○一○伶○人○耳○羣○玉○不○得○裴○相○國○爲○之○汲○引○安○
知○不○與○浩○然○同○放○斥○哉○詩○人○黃○島○之○章○所○以○不○恥○
夫○後○車○也○

崔道融

崔道融，荊州人。官永嘉令。有《申唐詩》三卷。

《唐詩紀事》曰：崔道融，荊州人，自號東甌散人，與司空圖爲詩友。

陳氏《書錄解題》曰：《唐荊南崔道融有東浮集》三卷，自稱東甌散人。乾寧乙卯，永嘉山齋編成，蓋避地於此。今闕第十卷。又撰《唐詩》三卷，皆四言詩。述唐中世以前事實，爲一篇。篇各有小序，凡六十九篇。

楊升菴太史曰楊誠齋愛唐人崔道融詠梅云香
中別有韻清極不知寒方虛谷云惜不見全篇予
近見雜抄唐詩冊子此首適全今載之數華初舍
雲孤標畫本難香中別有韻清極不知寒橫笛和
愁聽斜枝倚病看朔風如解意容易莫催殘

曹松

曹松字夢徵，衡陽人。學貫，爲詩。昭宗天復初及第。王希禹、劉象、柯崇、鄭希顏同榜，皆年七十餘。時號五老榜。各授校書郎，有集三卷。

摭言曰：昭宗天復元年，赦文令中書門下選擇新及第進士。中有父在名場者，沾科級。年齒已高者，不拘常例，各授一官。於是禮部侍郎杜德祥奏，揀到新及第進士：陳光問年六十九，曹松年五十四，王希禹年七十三，劉象年七十，柯崇年六十四，鄭

希顏年五十九詔光問松希禹可秘書省正字象
崇希顏可太子校書

聖楷按陳光問長沙茶陵人讀書需巖山中年近
六十忽有雙鶴鳴舞其友沈彬曰必登雲兆也是
歲果同曹松登第爲五老榜然考松之年在諸老
中爲最少其授官亦各異不得槩以五老稱之詩
人爵里不載陳光問似欠考又晁氏讀書記以松
爲舒州人亦誤

劉棗疆

劉棗疆襄陽人。或傳其名爲言。唐時曾辟爲棗疆令。故以邑呼。善爲詩。美麗恢瞻。與李賀齊名。王武俊鎮冀州。敬重之。辟爲從事。辭不應。嘗觀武俊射鴨于蒲柳間。一發疊中。武俊曰。俊之伎。先生之詩。可謂文武之會矣。曷賦一詩。言卽于馬上賦射鴨歌。武俊喜甚。表授棗疆令。固辭不受。隴西公夷簡節度。漢南復聘爲賓。卒于襄陽。郡人劉永高述其事以告。皮日休曰。休爲撰墓碑。

聖楷曰劉棗疆射鴨歌今皆不傳然猶幸託日休以傳其事古詩人之泯滅無聞者又可勝歎哉抑王元美先輩有云世之于文章有挾貴而名者有挾科第而名者有挾他技如書畫之類而名者有中于一時之好而名者有依附先達假吹噓之力而名者有務爲大言樹門戶而名者有廣引朋輩互相標榜而名者要之非可久可大之道也乃今有纖知韻譯便自命千秋旁若無人者欲何爲哉

劉蛻

劉蛻字復愚、長沙人、唐懿宗咸通間進士及第、爲左拾遺、與起居郎張聖疏論右拾遺令狐滈納李琢賄、陷父于惡、當時謂之白衣宰相、絢方守淮南、上奏自治、貶蛻爲山陽令、寓居潼川、垂老瘞、文爲塚于南山、刻石爲銘、其序曰、文塚者、長沙劉蛻復愚爲文、不忍棄其草、聚而封之也、蛻愚而不銳、于百工之技、天不工蛻也、而獨文蛻焉、故飲食不怠、於文、晦冥不怠、於文、悲戚怨憤、疾病嬉遊、羣居行役、未嘗不以文之爲

懷也。適當無事，而天下將以文爲號。文明代生，植明
晦皆効文用。故日月星辰，文乎旂常、魚蟲、鳥獸、文乎
彝、黼、徐、方之土、文於侯、社、夏、翟之羽、文於旗、旄、登、龍
於章、升、玉於藻、百工、婦人、雕、鶚、染、練、以供宗廟祭祀
之用。豈獨蛇也。生知効用，不及時文哉。然而意嘗獲
助於天，而不獲助於人。故其窮雖窮，無憾也。當勤意
之時，不敢噓不敢咳，不敢唾不敢跂，倚嗜欲躁競，忘
之於心，其祇畏如臨上帝，故有粲如星光如貝
氣如蛟宮之水，又有黯如屯雲如久陰如枯腐熬燥。

之色則有如春陽如華川逶逶迤迤則有如運海如
震怒動蕩怪異夫十爲文不得十如意少如意則豈
非天助乎常欲使天下聞之而必行勸之而必蹈散
之落洋以爲道演之浸潤以及物然後農文之使風
雨以時兵文之使戎虜以順文於野文於市使得其
所幽隱之士以出口者使之言材者使之用然而自
振者無力終知者甚稀豈非不獲於人助乎嗚呼十
五年矣實得一千一百八十紙有塗者乙者有注楷
者有覆背者有硃墨圈者於是以周易筮之遇復之

同人筮者曰鳴於地中殷殷隆隆七日不復復來其
天下昭融乎它日更召龜而令之將聽襲吉卜於火
如秦兆惟曰不吉卜於水不成乎河洛兆則亦惟曰
不吉卜於木而閭閭土叶吉累累爲塚則汲之兆乎
峭峭爲壁則輶之兆乎且其占曰土之文爲阿山爲
華英將不崩不竭爲滋味而傳乎結爲丘陵爲其設
險乎融爲川瀆率其朝宗乎華爲百穀以潔祭禮之
粢盛乎不然使其速腐爲墟壤生芻蕘以食牛羊乎
化塗泥爲甌陶以作器乎將塊爲五色而分封茅社

乎流爲樂爲土鼓爲古桴以泄其和聲乎夷爲都邑
以興宮廟坎爲滂池以澤生植乎祀爲壇竈乎窾爲
井墓乎吾皆不得而知也嘗旣不得爲吾用惟速化
爲百工之用慎毋朽爲芝菌以怪人自媚慎毋堅爲
金鐵以作貨起爭慎毋濡爲醴泉以味乎譌口慎毋
禱爲城社以狐鼠憑妖慎毋聳爲良材以雕斲傷性
慎毋萌爲蘭茝以佩服見褻嗚呼介而爲石使之服
言舒而爲蟪使之飲泉旣而他年遊魂之未返者亦
命巫以巾三招之號曰在凡關而來歸兮視不汝醜

在口吻而來。雖兮。譽不汝久。噫。筆絕之年而麟見。崇
文其無崇乎。哈非珠玉。斂無裙襦。後世詩禮之儒。無
驚吾之幽墟。其塚也在莽蒼之野。大塊之丘。時大唐
大中。之丁卯。而戊辰之季秋。銘云。文乎。文乎。有鬼神
乎。風水維貞。將利其子孫乎。

撫言曰。唐荊州衣冠薮澤。每歲解送舉人。多不成
名。號曰天荒。解劉蛻舍人。以荊解及第。號爲破天
荒。時崔魏公作鎮。以破天荒錢七十萬資蛻。蛻謝
書畧曰。三十年來。自是人廢。一千里外。豈曰天荒。

陳氏書錄解題曰文泉子十卷唐中書舍人長沙
劉蛻復愚撰自爲序云覃以九流之旨配以不竭
之義曰泉有文塚銘甚奇太中四年進士其爲西
掖在咸通時

聖楷曰劉蛻或以爲桐廬人或以爲射洪人射洪
在蜀桐廬在浙何相懸遠若此攷之文塚在梓州
卽今潼川州也射洪爲潼川附邑豈蛻生於桐廬
解於荆南而老於射洪耶然文塚自稱長沙劉蛻
則又當爲長沙人嘗見別記云蛻蚤以文學進士

其父戒之曰任汝舉進取窮之與達不望于汝否
沒後慎勿祭祀乃乘扁舟以漁釣自娛竟不知其
所適蛻後登華貫出典商於霜露之思於是乎止
臨終亦戒其子如先考之命由此觀之蛻之父子
泛宅浮家隨地皆可繫籍固其素願然也

王璘

王璘長沙人。詞學富贍。非積學所致。崔詹事廉問湖
南。特表薦之。于朝。先是試之。于使院。璘請十書吏。皆
給筆札。璘矜絺捫腹。往來口授。十吏筆不停綴。首題
黃河賦三千字。鼓刻而成。復爲鳥散餘花落詩三十
首。時未亭午。忽風雨暴至。數幅爲廻飆所卷。泥滓霑
漬。璘復另構十餘篇。約已七千餘言。崔公語試官曰。
萬言不在試限。但請召來飲酒。黃河賦復有僻字百
餘。請璘對衆朗宣。旁若無人。至京時。路巖方當軸。遣

一介召之。璘意在沾激。曰：請候見帝。巖大怒，亟命奏。璘萬言科。璘杖策而歸。放曠，盃酒間一日與李羣玉相遇。嶽麓玉曰：公何許人？璘曰：日試萬言。王璘羣玉待之甚淺，因相與聯句。羣玉破題授之。璘畧不佇思，至芍藥花開，菩薩面樓欄葉散，夜叉頭羣玉始屈。聖楷按：日試萬言科，卽百篇科也。故崔啓事云：萬言不在試限。唐吳士孫發嘗舉百篇科。皮日休贈以詩云：百篇官體喧金屋，一日官衙下玉除。陸龜蒙亦有云：直應天授與詩情，百詠惟消一日成。此

科不知創自何代宋初亦無定制唯求應者卽命
試太平興國五年有趙昌國願試此科帝御殿出
四句詩爲題詩云松風雲月天花竹鶴雲煙詩酒
春池兩山僧道柳泉每題五篇篇四韻至晚僅成
十首方欲激勸後學特賜及第仍詔今後應此科
者約此題爲式

皮日休

皮日休字襲美，襄陽人。咸通丙戌中，日休射策不上。乃退歸州之別墅，編次其文，復將貢于有司。發篋，策萃繁如薮澤，因名其書曰《文薮》焉。比見元次山納文編于有司，侍郎楊公浚見文編，歎曰：「上第汚元子耳，斯文也不敢希楊公之歎。」希當時作者，亦知耳。夫賦者，古詩之流也。傷前王太佚，作憂賦；民道難濟，作河橋賦；念下情不達，作霍山賦；憫寒士道壅，作菀花賦；離騷者，文之菁英，傷於宏奧，今也不顯離騷，作九諷。

文貴窮理。理貴原情。作十原大樂既止。至音不嗣。作
補周禮九夏歌。兩漢庸賤儒。我左氏作春秋。夾疑其
餘碑銘贊頌論議書序。皆上剔遠。非下補近。失非空
言也。較其道。可在古人之後矣。古風詩編之文末。俾
視之。麤悅于口也。亦由食魚遇鯖。持肉偶腍皮子也。
錄著之于後。亦太史公自序之意也。凡二百篇。爲十
卷。覽者無誚矣。又請孟子爲學科書。曰。聖人之道。不
過乎經。經之降者。不過乎史。史之降者。不過乎子。子
不異乎道者。孟子也。捨是子者。必戾乎經史。不率乎

子者則聖人之盜也。夫孟子之文燦若經傳，天惕其道，不燼于秦。自漢氏得之，嘗置博士以專其學。故其文繼乎六藝，光乎百氏，真聖人之微旨也。若然者，何其道曄曄於前，其書汲汲於後，得非道拘乎正文，極乎奧，有好邪者憚正而不舉，嗜淺者鄙奧而無稱耶？蓋仲尼愛文王，嗜昌歜以取味；後之人將愛仲尼者，其嗜在乎孟子矣。嗚呼！古之士以湯武爲逆取者，其不讀孟子乎？以楊墨爲達智者，其不讀孟子乎？由是觀之，孟子功利於人，亦不輕矣。今有司除茂才明經

外○其○次○有○熟○莊○周○列○子○書○者○亦○登○于○科○其○謗○善○也○雖○
深○而○懸○科○也○未○正○夫○莊○列○之○文○也○讀○之○可○以○為○方○外○
之○士○習○之○可○以○為○鴻○荒○之○民○有○能○汲○汲○以○救○時○補○教○
為○志○哉○請○命○有○司○去○莊○列○書○專○以○孟○子○為○主○有○能○精○
通○其○義○者○其○科○選○視○明○經○苟○若○是○也○不○謝○漢○之○博○士○
矣○咸○通○十○年○崔○璞○守○蘇○辟○日○休○為○軍○事○判○官○與○陸○龜○
蒙○為○友○著○鹿○門○隱○書○數○十○篇○子○光○紫○字○文○通○為○吳○越○
相○孫○燦○官○鴻○臚○寺○卿○

晁公武讀書記曰皮日休字襲美一字逸少襄陽

人隱鹿門山自號醉吟先生以文章自負尤善箴銘咸通八年登進士第爲著作佐郎太常博士乾符喪亂東出關爲毘陵副使陷巢賊中遣爲識文疑其譏已遂害之有文數十卷

老學菴筆記曰該聞錄言皮日休陷黃巢爲翰林學士巢敗被誅今唐書取其事按尹師魯作大理寺丞皮子良墓誌稱曾祖日休避廣明之難徙籍會稽依錢氏官太常博士贈禮部尙書祖光業爲吳越丞相父燦爲元帥府判官三世皆以文雄江

東據此則口休未嘗陷賊爲其翰林學士被誅也
光業見吳越備史頗詳孫使容在仁廟時仕亦通
顯乃知小說繆妄無所不有師魯文章傳世且剛
直有守非欺後世者可信不疑也故予表而出之
爲襲美雪謗于泉下

胡曾

胡曾邵陽人長於中幹後晉天福間應舉不第高駢
鎮四川辟置門下時南詔叛乘傳入川辭旨不遜者
幕客各撰書答之曾云四方之於中國猶衆星之拱
北辰百川之趨東海天地尙不能違况於人乎駢盛
稱之凡牋奏皆出其手撰安定集十二卷詠史詩一
百首共三卷

陳氏書錄解題曰唐邵陽胡曾詠史詩三卷凡一
百五十首曾咸通末爲漢南從事

楊升菴詩品曰胡曾詠史云漠漠黃沙際碧天、
人云此是居延、停驂一顧、猶魂斷蘇武、爭銷十九、
年、此詩全用杜牧之句、慎少侍先師李文正公公、
曰、近日兒童村學教、以胡曾詠史詩入門、先裝了、
聲口矣、慎曰、如詠蘇武一首亦好、公曰、全是偷杜、
牧之閒胡笳詩、退而閱之、誠然、然曾之詩、此外無、
留良者、且胡曾墓在邵陽永成鄉、地名秋田、

廖融

廖融字元素衡陽人隱衡山與任勗凌嶧王正己相
友善皆一時名士也王正己贈之詩曰病起坐當秋
閣迴酒醒迎對夜濤寒鑪中藥熟分僧飲枕上琴閒
借客彈左司諫某贈之詩曰未向漆園爲傲吏定應
明代作徵君傳家變世無金玉樂道經年有典墳積
雨小舟橫別浦隔花幽犬吠深雲到頭終爲蒼生起
休戀耕煙楚水濱融不樂進取不苟勢利乃獨耽於
山水自爲詩有曰雲穿棉藥屋雲壓釣魚船又夢仙

詩曰琪木扶疎係辟邪。麻姑夜宴紫皇家。銀河旌節搖波影。珠閣笙簫吸月華。翠鳳引遊三島路。赤龍齊駕五雲車。星移猶倚虹橋立。擬就張騫搭漢槎。何卒刺史何承矩。葬之進士鄭鉉誌其墓。

荆湖近事曰廖融潘居士更唱迭和宋太宗懲五代之弊以詞賦論策取士融曰豈知今日詩一似大市裏賣平天官並無人問耶又贈僧詩甚多嘗曰僧是詩家奴一人贈一篇且帶圖行東西南北耳

廖凝

廖凝字熙績，衡山人。夙學邁德，隱居南嶽。時登眺祝融峯頂，而石廬天柱，芙蓉華蓋，舉目盪胸，煙雲荏苒，奇葩異卉，觸思成韻。一時詩人盡屈其下。南唐王李景平馬氏之亂，遣使聘之。凝初不屈，後江南交構，爲亂劇賊蜂起，凝曰：與其抱道而死，以遺吾名，孰如就義而仕以存吾宗之爲愈？遂出爲彭澤令。慕陶元亮之風，或采菊南山，或種柳江村。陶然自樂，委心去留，畧無疑滯。其詩有曰：風清竹閣，留僧宿雨；潤莎亭放。

吏衙其寄興者遠矣。視篆未幾，浩然長往。嗒爾瞽曰：昔淵明不以五斗米折腰，吾何久為人役？惻愴若轅下駒耶？卽解卽歸。衡山其詩有曰：五斗徒勞自折腰。三年兩鬢爲誰焦。今朝官滿重歸去，還挈來時舊酒瓢。復聘起爲連州刺史，與門下侍郎張居詠、右僕射張延翰、中書侍郎李建勳爲詩友。建勳遇雨，遣之詩曰：江雲未散，東風暖。溟濛正在高樓見，細雨緣堤少。過人平蕪，隔水時飛燕。我有新詩與誰和？憶君狂醉愁難破。昨夜南窓不得眠，閑堦點滴迴燈坐。又訪凝

山居曰郢客相尋夜荒庭雪灑簷虛堂看向曙吟坐
共忘勞溪凍聲全減燈寒焰不高他人莫相笑未易
會吾曹疑辭刺史歸復隱衡山

聖楷曰廖凝十歲作詠白詩云滿汀鷗不散一局
黑全輸又嘗覽裴說經杜工部墓詩擬鑿狐墳破
重教大雅生笑曰裴說刳墳賊耳按唐時衡山法
席最盛琳宮梵剎秀甲匡廬故高隱之士樂于栖
托如廖氏其最著者唐語林云衡山五峯下人多
文詞至於樵夫往往能言詩嘗有廣州幕府夜聞

舟中吟曰野鵲灘西棹影孤
月光遙接洞庭湖堪
惜迴鴈峯前過望斷家山一
字無問之乃其所作
也或亦安貞敬業之流歟

懷素

懷素家長沙幼而事佛經禪之暇頗好筆翰然恨未能遠觀前人之奇迹所見甚淺遂擔笻杖錫西遊上國謁見當代名公錯綜其事遺編絕簡往往遇之豁然心胸畧無疑滯魚牋絹素多所塵點士大夫不以爲怪焉顏刑部書家者流精極筆法水鏡之辨許在末行又以尚書司勳郎盧象小宗伯張正言曾爲歌詩故叙之曰開士懷素僧中之英氣槩通疎性露豁暢精心草聖積有歲時江嶺之間其名大著故吏部

侍郎韋公陟觀其筆力勗以有成今禮部侍郎張公
謂賞其不羈引以遊處兼好事者同作歌以贊之動
盈卷軸夫草稟之作起於漢代杜度崔瑗始以妙聞
迨乎伯英尤擅其美義獻茲降虞陸相承口訣手授
以至於吳穉張旭長史雖姿性顛逸超絕古今而模
楷精法詳特爲真正真卿蚤歲常接遊居屢蒙激昂
教以筆法資質劣弱又嬰物務不能懇習迄以無成
追思一言何可復得忽見師作縱橫不羣迅疾駭人
若遵舊觀向使師得親承善誘函挹規模則入室之

寶捨子奚適。嗟歎不足。聊書此以冠諸篇首。其後繼
作不絕。溢乎箱篋。其述形似。則有張禮部云。奔蛇走
虺。勢入座驟。雨旋風聲。滿堂虛員。外云。初疑輕煙澹
古松。又似山開萬仞峯。王永州邕曰。寒猿飲水。撼枯
藤。壯士拔山。伸勁鐵。朱處士遠云。筆下惟看激電流。
字成只畏盤龍走。叙機格。則有李御史舟云。昔張旭
之作也。時人謂之張顛。今懷素之爲也。余實謂之狂
僧。以狂繼顛。誰曰不可。張公又云。稽山賀老。麤知名。
吳艷張顛。曾不易。許御史瑤云。志在新奇。無定則。古

瘦、灘、驪、半、無、墨、醉、來、信、手、兩、三、行、醒、後、却、書、書、不、得、
戴、御、史、叔、倫、云、心、手、相、師、勢、轉、奇、詭、形、恠、狀、醜、合、安、
人、人、欲、問、此、中、妙、懷、素、自、言、初、不、知、語、疾、速、則、有、寶、
御、史、與、云、粉、壁、長、廊、數、十、間、與、來、小、豁、胸、中、氣、忽、然、
絕、叫、三、五、聲、滿、壁、縱、橫、千、萬、字、戴、公、又、云、馳、毫、驟、墨、
列、奔、駟、滿、座、失、聲、看、不、及、目、愚、劣、則、有、從、父、司、勳、員、
外、郎、吳、興、錢、起、詩、云、遠、錫、無、前、侶、孤、雲、寄、太、虛、狂、來、
輕、世、界、醉、裏、得、真、如、皆、辭、旨、激、切、理、識、玄、奧、固、非、虛、
蕩、之、所、敢、當、徒、增、愧、與、耳、時、大、曆、丁、巳、冬、十、月、廿、有、

八日

書苑曰懷素與鄔彤爲友嘗從彤受筆法彤曰張
長史私教彤云孤蓬自振驚砂坐飛余自是得奇
怪草聖盡於此矣顏真卿曰師亦有自得乎素云
吾觀夏雲多奇峯嘗師之又遇折臂之路一一自
然真卿曰何如屋溜雨痕素起握真卿手曰得之
矣

陸羽撰懷素傳曰疎放不拘細行酒酣興發遇寺
壁里牆靡不書之貧無紙乃于故里種芭蕉萬餘

株以供揮灑。

國史補曰：長沙僧懷素學草書，自云得草書三昧。棄筆堆積埋于山下，號曰筆塚。按懷素塔在衡山縣東五里，相傳唐僧懷素于此草書，旁有墨池。筆塚。

聖楷曰：僧詩妙自惠休，草法精于智永。下迄三唐，可謂盛矣。然史家從未收入文苑，予故擗其尤異。如懷素齊已始得附于卷末，抑昔人謂解吟僧亦俗愛舞鶴終卑。若遇本色道人，未免喫棒在。

齊已

僧齊已姓胡氏潭之益陽人出家大潯寺與仰山宗
師爲同門友後居西山與方干鄭谷等善有白蓮集
十卷又外編十卷

黃山谷集曰齊已胡氏子本益陽人高氏據有荆
州延已居龍興寺給月俸遂作渚宮莫問十五篇
以自見蓋已初捨俗入大潯山叅禪猛利持律清
苦晚歲牽情於詩遂作荊州僧正以老
聖楷曰齊已寓居嶽麓謝進士沈彬再訪詩去歲

來尋我留題在薛痕。又因風雲夜，重宿古松門。玉
有疑休泣。詩無至，且言明朝此相送。被褥入桃源。
可稱深直。孤悶然其詩全首，最佳者頗多。如劍客
拔劍遠，殘樽歌終便出門。西風滿天，雲何處，報入
恩。勇死尋常事，輕讎不足論。翻嫌易水上，細碎動
離魂。秋夜聽業上人彈琴，萬物都寂寂，堪聞彈正
聲。人心盡如此，天下自和平。湘水瀉和碧，古風吹
太清。往年廬嶽奏今夕，更分明聽泉落石。幾萬仞
遠聲飄，冷空高秋初雨後。半夜亂山中，只有炤壁

月更無吹葉風。幾曾廬嶽聽到曉。與僧同酬元員外。清洛碧嵩根。寒流白炤門。園林經難別。菴李幾株存。衰老江南日。淒涼海上村。閒來矚朱紱。淚滴舊朝恩。鍾伯敬謂齊已詩似有一種高渾靈妙之氣。翼其心手。誦此數詩。信非凡流所可望也。同時徐東野有云。我唐有僧號齊已。未出家時。宰相器愛。見夢中逢武丁。殷形自學。無生理。夫已公既具大根。繩又得滄仰爲之師。資乃卒成就一詩僧。狂却此一番夢想矣。